

大清光緒十四年

本館新聞除禮拜外日出一
紙 諸君賜閱本報者無論
本埠外埠均可函致本館取
閱如外埠閱報加寄費不
也除日報照常刊送外復不
惜工本從英國採辦釘書裁
紙各機器以待與 各官商
刊印書籍單件並有英國各
種活字及各式花邊等延有
西人填印工藝甚精所有中
西文字均能刷印並有石板
印字大小機器均用精工

申報

本館開設在舊巴武口牌第十四號

印工絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登不亦須無
礙於人而後始錄其有謬
成文以及支離費解者概不
登報嗣後 諸翁來札尙祈
自諒更須寫真爵里而後敢
登但來稿登與不登均不能
將原稿收回也 本館謹白

戊子二月廿四日

凡刊報每月一元每張五仙 (大英一千八百八十八年四月五號禮拜四) 凡刊印告白第一日每一字一仙第二日以下每字半仙

寄報聲明 ○啟者本報所刊報紙其價係按年而與而半年開單一次領取此與舊法者有
所不同近見外埠諸君取閱本報者或有僅一二月之久即為止截其更有取巧者取閱本報迨屆半年開
單往收報價之時則竟託詞謂已致函本報着為停寄何以復送前來緣是即欲圖沒報資殊堪痛恨竊思
本館之報原期大眾同觀事之濟否不在一人倘不欲賜閱即以一函投諸本館斷無有不為之止截豈有
強人看閱之理則此言之詐可知茲特聲明 諸君止看本報者必須作函由國家信館寄投之本館
始為准信倘本館未接來函而為派送則不妨再為示教至於取閱報紙必須至一年半年方能止截否即
作為零沽當按價索償勿謂言之不預也特此聲明
本館謹白

論叻中時症

本年自入春以來叻地罕逢雨澤雖有熱滴亦不過片時即止且當暴雨之際仍覺一輪日影麗於空中此
種雨澤不惟無益於人且感觸之最易因而生病故叻地近來日益炎熱不殊中國三伏之候由是而時症
遂因而作焉夫叻中痘患既已甚狂此緣穗垣港澳各地傳來叻地之患此者固已比比皆然本報屢經論
列報中詳明是症不意痘患未罷而時症遂相繼而興近復見有一種時症朝發而暮斃暮發而朝斃即最
久者亦不過僅延一對時按此症初起上吐下瀉頗有類於去年之陰疫但陰疫腹痛不痛或微痛而是症則
腹暴痛又似為霍亂但霍亂有轉筋等候而此則無之且霍亂初起口渴者或有從清解之法治之如五苓
四苓霍香正氣等類此則雖有大渴引飲亦不能施是法其病一作即以救陽為急且是症一趨即大渴惡
熱好飲冷水好解衣臥濕地中大有似乎熱症苟一誤治則救已無及其幾固甚微也今試舉其一二以概
其餘嘗見某戲園一症平時向無疾病於十九日午刻忽患腹痛吐瀉交作入夜則益增瀾口大渴飲水不
斂乃延某名醫診治醫曰症急矣不即調治即死於翌日爰為訂方仿仲景白通加猪膽汁湯之法而重投
美附囑之曰此藥煎成宜與冷服若熱惡得之則嘔也囑畢而行奈諸人以為其疾尚輕不以為意煎藥畢
未俟冷遂與之服服後果吐瀉不留而諸人因亦置之迨翌晨即增劇煩燥欲急延某醫至時病者已
四肢厥逆大汗脈絕矣醫叩其昨宵之藥而未能服知事不可為勉與一方劑藥未服而人已斃此其一也
又有某客館係海南人所設在甘公麻六甲地方前夜一件偶患是症初作吐瀉仍不以為意越時許則病
大漸且復有數件亦沾是症因延某名醫診治醫入門則臥而病者已六人吐瀉遍於地中闔室為之臭穢
醫一診視均為一症因笑曰症誠重矣然調治尙速應無所防乃即為立一重劑每藥均至數兩囑其伴
曰可寬一巨鼎以前此藥命病者分飲之可無須另方醫治也伴謹如法煎與諸人服之至翌晨果皆獲平
安無一斃者觀此二事則同是一症或救或不救者亦可見死生有命矣此外之患是症者更難悉數三日
以來所遇者不下十人均同一症是則謂非時症而不得矣因付其致病之由大抵緣邇來酷暑時行人身
之陽氣常發揚於外陽氣愈發則陰氣愈陷而人因畏熱故復多食瓜果冷水等物以致陰氣日聚陽氣日
散久之遂至陰盛陽衰又久之更至陰凝陽竭復偶為天地不正之氣所觸牽動其陰忽然而發故致此病
而外症似乎溫熱者因微陽之在表也於此而不急挽元陽尙奚治哉且此種時症不惟人為然即馬亦有
患之者如昨報所錄下勿南之馬因往柔佛中途暴斃是亦可見但愚未悉馬醫之法無從究其根由因見
時疫如斯恐將來為患之狂更有不止於此者爰為之說以冀人之自慎耳總之善衛生者則慎起居節飲
食寡色慾省勞頓善於調攝則病亦從何至哉

諭旨恭錄

○正月二十九日奉 上諭李秉衡奏查明虧短交代各員分別參追一摺前任廣西
容縣知縣兆慶昭平縣知縣馬坊義甯縣知縣洪霖署憲江縣知縣錢湛霖西隆州知州何養恒恭城縣知
縣秦霖熙署柳縣知縣陳子廉北流縣知縣陳贊堯前在各本任署任內虧欠銀米疊經嚴催迄未解繳實
屬玩延文星照吳讓均着摘去頂戴勒限四個月如數完解丁縣業經離省着廣東巡撫勒限半年完解董
寶書趙敏照兆慶馬坊洪霖錢湛霖何養恒秦霖熙陳子廉陳贊堯各家屬均解回籍着正白旗漢軍都統
直隸陝甘四川各總督江蘇江西廣東雲南各巡撫提傳嚴追勒限半年完繳以重庫欸餘均照所議辦理
該部知道欽此同日奉 上諭李秉衡奏丁憂知州虧短交代銀兩請旨革職拿問監追一摺前廣西全州

有充狀師者若其才力可及英即授之不吝焉近來有新狀師一人由英抵叻名曰哥里係巴西西國人曾在英京讀律業經考授狀師故來叻中與諸人代理訟務也然則英國用人不分畛域於此可見

法郵船抵叻定期 ○刻接前途發來電耗言法國郵船名阿華已於十九日由高浪勝地方旋輪來叻定於二十四日禮拜四即能抵叻上落客貨畢旋即展輪往香港上海等處茲特錄報以聞

勞績煩勞 ○近因府署停公數日而一切瑣案由副巡捕官密君暫為代辦一事曾經列報查君本授有巡理府銜例可代決案件故特於十八日到府署將各瑣案概為訊辦緣彼小民被獲多有乏人具保者因暫留羈所故君特早為之判決以免積壓致累然則君之體郵民艱之處有足多矣

主筆更換 ○本坡實得力士太晤士西報之主筆近以事辭去現該館延某西儒主持筆政聞某博識多才想於報務有裨而該報益饒起色矣

廈門大火 ○本月初七日晨三點鐘零一刻時廈門某葉街有華人某香店失慎適東北風大作火遂燎原連及橫街街督碼頭鐵隘門等舖戶不滿兩點鐘久舖店被災即成瓦礫者共一百五拾餘家之多焚毀財物所值甚鉅因該舖店多有作棉紗生理者又有大客棧數家為往新嘉坡之華工寄住者彼時火燄高至四五丈遙望之以為西人租界難免殃及幸水龍齊至不多時即救滅云

歐洲軍營馬騮核數 ○西報載現考得歐洲有專之秋各國所能備辦騮馬之數計俄國可得戰馬共二千一百五十八匹亞仁丹合眾國可得戰馬四百萬匹奧國可得戰馬三百五十萬匹德國可得戰馬三百五十萬匹法國可得戰馬二百八十萬匹英國可得戰馬二百七十九萬匹英屬加那打地方可得戰馬二百六十二萬四千匹西班牙國可得戰馬六十八萬匹意國可得戰馬二百萬匹馬兒音國可得戰馬三十八萬三千匹匈墨國可得戰馬三十一萬六千匹新金山可得戰馬三十萬零一千匹荷蘭國可得戰馬十二萬五千匹葡荷牙國可得戰馬八萬八千匹此各國戰馬之總數也由是觀之則天下各國均以俄為最而俄所短者惟賦稅之不充而已若使其貨財豐足則其貪橫之志尙可開哉

華備赴水 ○十八日爾爾密輪船由叻啟行言往日裡船中載有華備多名蓋立約往該處作工者是日在石叻門出口時該處之港口頗狹有華備三名即跳墮海中大抵欲圖私遁幸該處有穆拉油之三三板甚多聞變紛集遂將三人獲回送交船中而後載之出口云按諸華備既已立約作工自必甘心情願何以近來每有赴水欲遁之事當此茫茫巨浸幸甚可危然亦有不惜身命冒險為之希幸圖於萬一者然則此中艱難之處不問而知所願有其責者宜留心細查以除此弊誠恐諸客頭帶領新客籍名立約之際或有指鹿為馬李戴張冠之弊倘能嚴察勿為所瞞則秦鏡之明可為賢有司敬頌矣

馬病猝斃 ○前任叻督安制軍偕同正按察使司頗廉訪及西友一人於前日乘坐柔王輕車往柔佛地方赴王之宴因駕馬四匹而御者為英國教馬師下勿南君蓋安制府治由之日下君曾在其轅下充當御夫而此次制府重遊叻中而下君以故主情深故特為執御而四馬亦益下君馬房所畜頗稱馴健不意是日至四點半鐘時業行八英里半忽有一馬猝然倒地幸下君素善執御乃卸將車勒止將猝倒之馬解下即以三馬駕車而往而該病馬遂即斃命翌日即延馬醫往究其病據云係心病猝發故至斃命云按人病有真心痛一症不及時許即致斃命大抵馬亦有此症故致猝斃是亦未可知也

日裡近事 ○接日裡遞來信息云現該處諸園主與諸戲班頗有齟齬之端查其故蓋緣該處每有演劇則諸園丁往往赴戲場觀看流連忘返多至誤工且有戲場則必有賭場諸園丁等每因賭敗計窮即潛遁則園主之受累良多故已稟呈該處參政司請將演戲之期酌定每年自何日起至何日止始准演劇不能終年演唱庶免受其所累云未悉有司否能核准也

賭徒就獲 ○二十一夜廿公麻六甲有潮籍賭徒三人偕有三婦聚於一室相博荷蘭牌明目張胆有若以賭局為樂事而視賭禁為具文者嗣為暗差察知即會同幹差數名圍室稽搜果見金錢纍纍赴局交博遂為該差執拘男婦各三人統逮於案現猶未訊諒必賭禁煌煌法所難宥矣

輕生服毒 ○閩人洪阿低寓於石籠岡律其生平制行不少極見即所操何業亦不得而詳於二十日不知緣何事端竟自暗購阿芙蓉膏潛而服之以畢殘生幸為同室諸人察覺尙早登奔灌救始得生氣漸復然閱時已久精神猶未獲完其諸人終慮其有性命之憂竄恐池魚殃及乃即赴該處捕房報案旋經公差赴驗目擊情形爰以人命所關遂將洪昇送至國家醫院求治諒則藥妙長生必能為洪續命不致枉死城中復增一含冤之鬼也嗚呼丈夫昂藏七尺何處不可以謀生苟其竭蹶以圖即至一技一藝之微亦能存活又何至輕生愛死為外人笑拙哉然則洪之暗服芙蓉自尋短見豈其為境所迫者耶抑別有不可告人之隱斷不能留此身於天壤之間遂觀破生死關甘為輕生以捐軀哉噫君子疾沒世而名不稱焉人生事業未成尙思假年以自勵胡乃鴻毛性命服毒輕生以致汶汶無傳夫亦太自愚矣

眼科醫士將到
 有眼科雜症經其醫治無不應手茲經論近視遠視以及一切疑難之症均能尅期而愈茲將到叻中行世定於西四月八號即華本月二十七日即能抵叻寓居拋球場大酒店中茲特預爲佈聞 諸君就教請 移玉惠臨爲禱 大英一千八百八十八年三月二十一號 謹啟

新張佈告
 啟者現余自行開創洋行一間在麻六甲街第五號門牌自伴生理兼與諸君代辦歐洲貨物其字號曰買也公司 諸君賜顧請移 玉取臨是荷 大英一千八百八十八年三月二十號 買也買也啓

線 出 轆



啟者本行專辦英國寶拿士布機房各色上等棉線轆發客此線轆與線球不同線身光滑滑於縫衣脚車手車等爲合用每個足長一百碼價甚相宜曾經呈請英國考驗幸蒙贊賞并賜金錢羊頭號標爲記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君用始知余語之非虛 貴客光顧請認羊頭號標牌爲記


庶免有誤 大英一千八百八十七年十一月三十一號
 香港希士洋行 新嘉坡代人明馬也公司謹啟

酒 品 出 賣

啟者本行督辦歐洲馳名三品洋酒到叻發售其酒係由頭次式釀售有年沽飲 諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後 諸君買本行三品酒者請認明本行牌之內有小紙包頭印字號

若此字樣即屬偽冒請爲細認特此佈聞
 大英一千八百八十五年十二月十九號
 大清光緒十一年 月 日 明馬也公司 啟

活 侯 亞 士 堅 公 司 告 白



啟者本公司向來開設本坡久爲中西 商翁所賞識茲承英京末汝公司之命託本公司爲該公司駐叻代售機器之人本公司既受所託不得不代爲力肩鉅任將該公司辦事之誠製造之美以及貨物之多盡舉以告海內 諸商翁知悉該公司向來開設英京歷久無異素爲英國人所賞識不特爲英國人所賞識又爲鄰國人所賞識本行將爲該國人所賞識兼且爲天下各國人所賞識蓋因該公司立心持平登遊盡善物料既美製作復精所以能遐邇譽於本國鄰國及天下各國者皆爲此也現計該公司所製造之器樣甚多筆墨難以盡述更侯不可備述非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件數堆積如山邱不可枚舉因篇幅太狹不能盡述以備諸商翁覽電擇其要而通行者略登報端以爲 諸君採擇焉如水厚水筒皮帶等其價較別家稍爲相宜貨而亦視別家爲特妙請 諸君移玉到本公司一觀真有所聞未盡所見之概不啻遊山陰中道令人接應不暇矣至於本公司又有製造做大薯之機器以及水厚等器亦是名目太多不能備列此佈告尙祈實然賜顧爲慰現本廠已遷至工部局貨倉左鄰近復分枝一廠在吉隆坡由四師爺宮後大馬路至下巴雙河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷

大英一千八百八十七年十一月九號 活侯亞士堅公司謹啟

餉碼招商告示

寶勝越等處地方參政使司 爲招商承餉事照得本國家所設之烟酒賭碼於西一千八百八十八年六月三十號即華戊子年五月二十一日即已到期先期招商承充本屆餉碼係於是年西七月一號即華五月二十二日起承辦以三年爲期計開烟碼係由丹戎勝卓地方起計三百七十餘英里而峇南亦在其內 賭碼係由丹戎勝卓起計而沙耶港亦在其內 酒碼亦由丹戎勝卓起計而沙耶港亦在其內 以上各碼如入票承充者須用英字封固於西一千八百八十八年四月十六號即華戊子年三月初九日點鐘以前寄交本參政司署以憑彙取至於各票須書明烟碼願繳餉若干酒碼願繳餉若干賭碼願繳餉若干以憑國家彙取不得執價高者得之例投標者須有保結之人並照實際越國家所立之約而行不得違背特此示知如有欲悉其詳細者可至本參政司署或在新嘉坡本國家代理人然中洋行詢問均可各宜踴躍投票幸無觀望 茲再申明各碼所得之利權如左 地界 烟碼由丹戎勝卓起至峇南港止 酒賭碼由丹戎勝卓起至沙耶港止 如有投得烟碼者或自行製造或由外處載來其烟膏烟灰可以自賣並可出牌與他人販賣 如投得賭碼者或自行開場或給牌與他人開場其酒碼或自行製造或由他處載來均從其便 凡投得烟碼者國家當派巡差二名在公署保護賭碼亦派二人至嶺精大埠之賭場保護 烟價零沽每元六錢每廿椒園及港主到買則每元當沽七錢五分而港主若買回至二千元不能多此通知 每月所繳餉銀須交厲銀或本國家銀銀銅等而銅鑄每月餉銀止可夾

大英一千八百八十七年十二月三十一號

嚴罰竊童 ○昨報臬署前有二童到吉寧人某甲貨肆中一持英銀一元找換錢鏰一盜甲鏰二元五角嗣甲察覺立呼巡差併拘逮案廿二日經府太守堂訊得找燭之童係爲崔姓并非行竊即爲開釋以恤無辜至該童作盜係屬姓陳爰據訊審確以陳冲齡作竊胆玩異常乃判罰鞭責六條併禁廿一日以儆厥效

驗屍二則 ○二十二日驗屍官馬君暨同陪驗諸員勘驗二屍其一爲王家山脚某雪廠內之賭徒某甲係緣賭畏捕屋頂墜斃者其一係屍漂水中浮至丹戎巴葛海面者均經勘驗猶未決下判詞容俟判明再行續報

生齒殷繁 ○梧槽道館所轄之地方連雲比屋生齒頗繁計自去月西一號起至三十一號止一月之內其轄中居民之產育男女者統有七十七口實爲諸差館所轄之冠查國家向例舉凡各差館所轄之地居民產育有過七十口者例由國家給賞以徵祥瑞今梧槽道館之轄內其中產育竟有七十七口於廿二日業經太守由國家公欸給賞該差館之總差銀五元云

護李作盜 ○穆拉油人某甲向富答都巴吃於前數日附航抵叻赴於竹脚訪其戚屬李鑽桃投情敦厚李鑽桃數日頓慰離情於廿二日甲則告退而歸而各戚屬互相餞別嗣甲檢點行裝以附輪船詎意其戚屬中有一不逞之徒某乙者見其行李紛紛乃盜其皮包裹一具內貯絲襪二條英銀四十元乘間而去後甲察覺幸斯時該船尚未展輪急歸戚屬藉諸戚素籍乙之行爲不軌疑彼作盜扭乙而搜果於懷中尙存英銀四十元而襪與包裹不知何處化去矣時各戚即將其賞如數給領甲始爲附航而去云

瀛州紀錄 ○御前大臣伯邸等於初八晨散值後前往中海紫光閣看演筵宴一切禮儀以備初十日 皇上御臨前預傳蒙古各王公朝鮮正副使於是日齊集是處由侍衛處理藩院禮部各員帶外藩各員習進膳進茶入宴謝 恩各項禮制 侍衛處各行理藩院所有初十日紫光閣筵宴外藩喇例蒙古王公入宴隨帶護衛人員按照定例親郡王貝勒不得逾二員貝子公等不得逾一員相應各行貴院轉飭遵照並飭入宴蒙古王公等即於是日將隨帶護衛人員銜名呈報本處以便稽察○初八日清屬駐京各國欽差著咸高懸本國彩旗關係和蘭是辰國君主以懸旗伸賀也

詳記日本火災 ○長崎友人來信云華歷正月十一日晚八點鐘長崎華民馬場恒記棉花號失慎此處房屋歷年已久日本造屋不用灰磚以草泥木板爲牆壁以白花紙代石灰上雖蓋瓦下則用草最易引火以故烈燄所惹無異拉朽摧枯延燒對面及兩鄰始即北風右隣火勢較甚少頃風轉東南遂直向香崎町斜燒於是人聲鼎沸不論何國人均扛水龍挾器具而來苦無潮水汲井則遲矣於時中國理事楊星垣太守適赴八閩會所之宴聞警即帶巡捕到場彈壓雖無槍火等事而延燒極速人皆空身跑出或有拾命擄物者幸賴巡捕乘勢拖出尙無喪命者惟建民黃天毛之子五歲見火熾向內驟在坑廁即被燒死又有日本車夫之子纔十一歲早失恃其父又他出自遭回祿蹤跡杳然諒亦燒死又十六番館日人重兵衛之女因傷而死至一點鐘時祝融氏始返駕餘燄至黎明未息次日查得起火之由因主人赴宴夥伴乘間往花棚場中遊蕩店中僅留主僕二人瞥見洋油燈自上跌下驚惶失措各以板片打撲詎火燒及棉花即穿屋頂隣人但聞遠處喊救聲始行出視則火已延及矣十二日清晨喪失小孩之家及物件被人取出者咸至理事署訴理事閱之婉諭令回嗣理事親至被災處查見廣馬場至本籠町中華商五十二戶燒去四十三戶梅香崎係日人所居燒去廿餘戶幸免於難者惟晉恒棧房一所日人錢莊盛屋右隣三家臨時保險得藥水洋龍之力居多所存華商義記有利等九戶賴俄兵輸放水手廿餘名上岸吹號指揮得以保全理事遂約同三幫董事籌議賑濟旋有長崎縣書記官中村三郎親到理事署送金札廿五元聲言本官不在區區者所代贈災民理事謙言此火尙貽禍貴國人民固辭不受下午理事又出囑三董備米備銀在新地十字街口按名散放大口米三升銀二角小口半之計發至一百五十餘名而止是處受災之民大抵或作夥或作船上水手或作小生意或藉房金度日一戶中住有四五家八九家不等理事念被災無非窮民一旦遭此衣食何來故尙籌議安置之法所有爲人擄出物件者理事諭限三日內交出則可免究遲則重辦十二日三點鐘有建人某甲告寧人某乙藏過衣箱理事飭人拘至即打二十板箱雜交出衣服不免參差幸原告求寬得即釋放檢記號主亦經提到署中想理事責其不謹慎以服眾心故災民咸頌理事之德除如富商好名者聲言有物贈人好德者擇人而陰授銀洋尙義也而日人之與華人當時突如其來見遠火者投刺安慰而去見近火者幫同取物更以酒飯相送禮至足也又有建人某流落已地夜宿于地堂日則在鄉人處飯飯是夜火災某爲人救出物件甚多次日交入理事署如金銀綢緞等類一件不吞沒理事嘉之陰使巡捕到其宿處查察但見取繫一榻無完善之物藏於中執謂貧人見利而不思義哉斯人也受其惠者不當思所以酬之哉

京報選錄 ○河南巡撫臣倪文蔚跪 奏爲沁河漫口堵築合龍恭摺仰祈 聖鑒事竊照本年八月底武陟縣小楊莊沁河無工民堤因陰雨連旬水勢過大致有漫決經臣將失事之巡道知縣專摺奏參並將收撫災民搶辦賑務飭籌撥兵工進占各情形先後 奏明在案茲據彰衛懷道曹秉哲稟稱東西兩壩共造成二十占後金門收窄濶勢愈急所幸天氣晴朗羣情踴躍連日趕將兩壩門占盤壓堅固隨於十一月二十五日挂纜合龍當即督率在工員弁催催兵夫土料並進層層追壓一面加關護堵培培後截並開放引河水波歸槽竭一晝夜之

門占道壓到底塌下亦已絕流大溜全歸故道其方陵決口係於二十七日桂鏡堵築現已一律完固等情具報前來伏查必堤本係民工自前撫臣鹿傳霖改歸官督紳辦失事各員既予參劾則大工合龍在事員弁當必錄其勞勳分別給獎懲勳方得其平查該道曹秉哲係於堤堤報決之次日接篆視事其時險工迭出災民遍野護城堤岸節節坍塌卸道庫存項不及千金憂憤頗滋疑懼該道不避艱險躬駐堤上督率縣紳弁兵日於風雨泥坤之中分投搶護又復捐資購餅紮履恤災民水勢稍定即撤手收料趕緊辦賑不使續有沖刷嗣復勘估核實措辦合宜用能迅速竣事洵屬倍著勤勞擬請 賞戴花翎其餘在工出力各員容臣於驗收後再行擇尤保獎並乞 恩准以資鼓勵所有沁河漫口合龍緣由會同署理河東河道總督臣李鶴年恭摺陳陳伏乞 皇太后 皇上聖鑒 訓示再臣定於本月初八日帶即駐工督催續料並先稿道河北驗收沁工合併附片陳請 奏奉 硃批曹秉哲着賞戴花翎其餘在工出力各員准其擇尤保獎毋許冒濫該部知道欽此

雲南學政臣戴鴻慈跪 奏為續報徵百科考大理楚雄兩棚完竣情形仰祈 聖鑒事竊臣本年夏間科試楚雄兩棚及省棚情形業經恭報在案隨於八月二十日起馬出考大理附考麗江府永北蒙化兩廳次考楚雄並墨鹽琅白鹽三井兩棚文風自以大理為較勝此次生場尤多清暢之作各屬童生俱照定額取進惟楚雄縣本案外補入戊辰歲試正額二十名府額十一名黑鹽井本案外補入任申科試正額八名考棚內外均極整肅前無槍替滋事等弊於十月十二日考畢回省臣查滇省士風向稱樸實但恐里居偏僻未能盡職規繩臣每到各棚用心勸導發落生童之日敬謹刊錄 御製飭士子文各授一卷俾凡在序序共懷遵循以期仰副 朝廷作育士林至意現統計雲南通省歲科兩試一律全完應俟明年七月舉行錄科事宜所有此次科試大理楚雄兩棚完竣情形繕摺具奏再臣經過地方雨暘時若百穀順成民情亦極安謐堪以上慰 宸廑合併附陳伏乞 皇太后 皇上聖鑒謹 奏奉 硃批知道了欽此 ○恭錄等片 再查部議鄂倫春人丁編旗建治章程內開所放官缺即令任事嗣再出缺仍照旗營體制擬正陪惟該丁久居山中不尚積蓄苦甚多遠道赴京不無糜費急切難辦徒曠職守擬請將擬正之員奏請先行任事照品食俸擬陪之員請 旨記名遇缺坐補均俟差使陸續給咨補行引 見以示體恤等因奏准在案茲據興安城總管烏爾滾巴雅爾稱所管鄂倫春兩白旗副管特魯善病故所遺之缺遵章揀員送選前來奴才等公同考驗鄂倫春兩白旗副管遺缺以兩黃旗佐領烈欽泰擬正以正白旗佐領常通阿擬陪查該員等年富力強當差勤慎相應請 旨將擬正之員補放先令任事擬陪之員應請 記名俟有差使再行陸續補用引 見以符定制謹附片具陳伏乞 聖鑒訓示謹 奏奉 硃批着照所請該衙門知道欽此

○才英廉跪 奏為擬請對調郎中缺以神公務恭摺仰祈 聖鑒事恭查 景陵郎中係辦理內務府衙門事務首領之員貽事務較繁又 惠陵儀行樹林正資培養差務緊要均須相當司員經理方可得資贊助惟查 景陵郎中和機人尚誠實經理一切事務雖無誤但於此缺人地不甚相宜 惠陵郎中廣泰精明諳練若以之對調均堪勝任擬請將二品頂戴郎中廣泰調補 景陵當差將護軍參領衙門中和機調補 惠陵當差實於公務有裨奴才為慎重公務起見是否有當謹恭摺具陳伏乞 皇太后 皇上聖鑒訓示謹 奏奉 硃批着照所請該衙門知道欽此

貴重地段出投 ○啟者茲定于西本月十九號即華三月初九日禮拜四下午二點鐘拍賣地段一區該地坐落加籠橋地方附近港傍此係新填地段甚為堅實以之建造棧房貨倉等類甚為合宜且尤勝於丹戎牛等處蓋其地可由陸路前往無須舟楫故也現該地有圖存於本館以備諸君看閱 諸君有合意者請如期 玉臨投買是荷 大英一千八百八十八年四月三號 巴越館主謹白

聲明告白 ○啟者丹絨牛一百廿八號一百廿九號門牌協和號有一收賬夥件豐順人巫亞標向在小號傭工有年現他志圖別業自經告辭倘有與各寶號來往揭借等項惟向經手是問與做號無涉特此聲明以免後論 光緒十四年二月廿一日 譚協和號謹啟

頂受聲明 ○啟者吉祥花號原係彭家堯等所創嗣其舊人志圖別業因招本號合股現彭家堯等亦均將股份退出全盤歸本號承受仍用吉祥花字號而加以義記字樣定於本月廿四日交易茲已議明白高四鶴全場為始此項概係本號料理以前之數概為經手是問與本號無涉先此聲明免滋後論 大清光緒十四年戊子二月十八日 吉祥花義記謹啟

上等呂宋烟出售 ○啟者本行由小呂宋督辦上庄選葉呂宋烟發售其貨均屬上等並無低貨攪雜且價甚相宜其中每箱有枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與 諸君代辦小呂宋各貨諸尊賜顧請至土庫花園邊奕爾堅洋行之後面與密加釐士打索路店隔鄰本行相酌是荷 大英一千八百八十七年十二月七號 拔士連洋行謹啟

收買加旋柴料 ○啟者余有磚窰二間開設於叻柔兩埠茲欲購加旋柴以充燒磚之用倘 諸君有欲承供此柴者可到本寫字樓入票以憑選擇倘欲知其詳細可至國家信館隔鄰商務局樓下向余詢問便得 大英一千八百八十八年三月廿一號 拔士連洋行謹啟

表揚善行 ○牧師閣約翰先生英國人也秉性溫良持躬誠篤儀容軒爽詞語溫良更得賢內助以匡勸同心慕道克承 主宰傳播 福音行道四方愛人如己前旅叻地亦有年節儉躬行以率羣類居恒惟儉一榻僅堪容膝每飯惟蔬食菜羹清泉淡水而已其出門則綆 帶輕裘布冠履屐手持雨傘荷書囊僕僕風塵雖陰雨之際盛暑之時亦所弗輟孜孜講道一以勸人為善為心見臥病之輩則憐而撫之見 緇紳之人則憫而慰之 先生之心一無所慮惟憂其道之不行而已是以數十年來處處積慮闢有教堂數處日即蘇正教日長老公會是皆 欲傳真理懇費苦心由是積勞以致成病而先生猶不厭其苦帶病傳經以故日益纏綿勢幾瀕劇醫士因勸其暫離水土莫獲安痊先生不得已乃召諸門徒齊集家中告以將歸之故並與眾歎詩祈禱禮畢先生乃詐離慘島正教諸人益圖奮勉眾拱手聽命先生乃逐一接吻畢乃 留一詩云 分別忽忽在此朝 迢迢天國豈之遙 勸君醒來時路 後會天堂豈寂寥 詩畢諸人聞言淚沾襟袖離懷悵惘因和以一 絕云 無窮離恨在今朝 弱水三千別路遙 此去願祈珍重好 休教吾輩歎寥寥 噫嘻先生亦可傳矣 戊子式月十五日 黃清泉啟

佛羅斯藥水

西國醫士佛羅斯配製治病滋補氣血藥水能治肝癆肺癰胃弱飲食停滯心悸多驚四肢酸軟身體虛弱酒色過度等症馳名於世二十餘 年天下各國講究講養者多經服用屢試屢驗此藥水用玻璃樽裝載其如何功用另行布列一紙用華字印刊每樽 附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯開服須食一樽之譜 方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里直 洋行對門之新嘉坡藥房即勞末申藥房內麥加君處選購大樽每樽分作一百二十八服價銀一元半樽每樽分作 六十四服價銀二元計佈 大英一千八百八十八年正月十八號 美國紐約佛羅斯公司謹啟



No. 1234

英國新出頂上花露水出售 ○啟者本公司所製之花露水及高浪水最為佳製其香之清而且久非尋常 可及素已馳譽歐洲用此水者莫不噴噴稱爲妙品歷經荷領寶星七次以獎其佳然則其妙處可知茲欲廣 爲通流故特佈告倘 諸君有欲採辦者祈請函致本公司取討價單便知一切特此佈聞 大英一千八百八拾七年四月廿五號 加刺安巴馬厘公司謹啟

RIGAND'S KANAGA WATER

列願于那芽花露水 ○此水係以干那芽花 所製其花出自日本國中香冠凡卉乃列願君 在日本採辦載回法京製成此水以故其香甚 清而其用亦甚善如皮膚有皴裂等病抹此香 水固能愈痊尤可解蚊口之毒若以香水和 水盥洗固能令人肌膚嫩滑顏色光潤且瘡癬 不生本藥房製成此種花露水銷流已久遐邇 傳揚不料近有德商仿照本藥房所造此水以 圖射利其質氣味遠遜迥隔霄壤 諸君有購 買此水者請看以下所列第一款之西字標頭 本藥房所用製載此水之樽係有浮凸字樣如 下所列第二款式且有西字註明列願公司字 樣如標各均有細書號據始爲真貨否則係爲 混冒向祈慎購至於各式人等有假冒本藥房 花露水或由外處運來或在本坡發售一經本 藥房查出定必嚴行控究至本藥房之花露水 係託新嘉坡藥房麥加君代售並請枝別處 併此聲明此佈

KANAGA DEPOSE

4430

MORRHUOL

模好呂解毒藥丸 ○此丸而治虛損吐 血花柳傳毒咳嗽哮喘 目痛重舌等症其效如 神且不惟解毒且能 調和營衛葆養精神現 在法英美等國醫士所 用花柳敗毒之藥均用 此丸無不藥到病解立 見春回若服此丸須仿 照服魚肝油之法要緩 緩吞下必於用飯時吞 服一二粒切勿誤爲急 吞以背服法此丸係以 樽裝載每樽計一百粒 現託新嘉坡藥房麥加 君處代售此佈 大英十一月八號

SANTAL MIDY

DR. MIDY'S SANDAL OIL CAPSULES.

檀香油藥粒 ○此藥 係製成油質以薄皮一 重裹作粒形以便易吞 而其藥力能治花柳 淫毒白濁白帶癢閉一 切等症如症雖痛服 之立止而服藥後約歷 二三日即見奇功但所 患過重者須每日吞服 六次每次吞服二粒至 痊愈後宜再服十日 庶得消後慮永絕根 株惟服此藥時宜戒色 慾自氣怒節勞動等事 幸勿自誤致誤藥力之 不神也現此藥託交新 嘉坡藥房麥加君處代 售此佈

FRUIT JULIEN

浮律如里馬藥糖 ○此 藥糖係採鮮果之汁加以 藥料和製成塊略如糖粒 氣味甘佳而其功效較於 瀉油爲日無論男女老幼 均能服食且其味有如糖 菓最爲適口尤爲小兒所 愛其藥力均可治胆汁太 多重舌頭痛鬱結大便不 通斑疹血熱血毒以及皮 膚癢癢等症服之亦可涼 血行滯且能令臟腑潔淨 痼疾立除但服之法宜於 臨睡時嚼服一二粒至翌 早飲茶一杯須臾即覺大 便通利身體爽快現此藥 託交新嘉坡藥房麥加 君處寄售此佈

本館告白

○啟者本館自開設以來辱承各外埠 君子不棄時有所投常以一紙書函述陳諸事固願諸君子之雅愛亦本館主 之所樂聞也但是交到魚書多有未經貼用書信館之印單者竊查信館定章與凡郵寄之函件若未先買印單者信到之後則照常寄費 信以故本館於此一項賠墊殊多不能不據情佈聞敢求自後凡有惠寄本館之信務祈買單貼發自此以後 未黏印單之信本館一概 不收不拆希勿以方命見責是幸預爲佈告即請 文安不宣 本館告白

